

五

明證醫案筆記

如皋吳渭永著



臨證醫案筆記目錄

第五卷

婦人經脉類

胎孕

產育

產後

乳病

婦人雜證



臨證醫案筆記卷之五

如皋吳箴渭泉著

男丙輝燮堂
恩照耿齋校

婦人經脉類

經不調

秀

氏

脉虛遲細此氣血兩虛脾胃並弱故致月經不調

腰痠腹脹飲食少思肢體倦怠宜服益母八珍丸加



沉香補骨脂益智仁資益坤元補養氣血使淋
形體壯經水調則諸病自已

朱氏

月信不調虛熱盜汗食少不眠胸脇脹痛按脉弱

弦數係思慮勞傷心虛血少肝鬱氣滯且氣爲血配
氣滯則血亦不能行故月候不調也當服歸脾湯加
陳皮續斷補心益脾舒肝令氣調而血和則經行有
常自無諸疾之虞

程氏

經水不調頭暈胸滿心腹刺痛診兩寸浮數左關



弦急乃胞脉心肺火盛陰虛有熱肝鬱血滯所致
服奇效四物湯加鬱金香附澤蘭葉丹皮以養血舒
氣使陰血充盈而陽火自平

血熱經早

馮氏

月經先期腹中脹痛脉滑弦數係營衛不足肝脾

血燥血虛有熱而然按王子亨曰經者常候也故每
月一至太過不及皆爲不調陽太過則先期而至陰
不足則後時而來卽服奇效四物湯加香附續斷益

母草以滋陰涼血則經水自調

康氏

年逾四旬經水先期淋漓不斷食減體瘦腰膝痠痛

痛脉弱遲細乃憂思勞傷心脾氣血虛寒不能攝

而經早不及期也宜投歸脾湯加杜仲續斷五味子

熟附以補心脾若作血熱火治恐有氣血敗亂之虞

柳女

經脉先期帶濁不止甚至兼旬或半月而來者診

脉虛數大此血海有熱陰虛多火故經早而過多按

宋丹溪曰先期而至者血熱也後期而至者血虛也

當服約陰丸以涼血滋陰兼固瀉之

景

女

按脉洪弦數係陰虧內熱怒火動血蓋血熱則

流所以先期而來色紫而濃凡血熱者多有先期而
至也即用約陰煎加女貞子龜板丹皮以滋陰清火

血熱經遲

阿氏

月經過期色紫成塊脉息浮數乃陰火內燄血熱

而亦每愆期者皆水虧血少燥澁而然也當用加減
一陰煎加當歸阿膠女貞子以清火滋陰養血

血寒經遲

馬氏

形氣虛弱脉沉細澁此陽氣不足則寒從中生而

生化失期故血寒經遲色淡不鮮也宜投大營煎如

炮薑熟附吳茱萸以溫養血氣

痰阻經遲

張氏

經水後期其來瀟少視其形體肥盛脉滑而虛乃

肝經血少氣虛而痰滯於經絡也即服芎歸六君子

湯使氣行則痰行而經水自調

血虛經亂

韓氏

月事忽遲忽早經多不調色淡而少行後反疼

其形色薄弱脉沉細澁此三陰虧弱肝虛不能藏血

脾土虛陷不能統攝營氣以致血虛經亂也宜用人

參養榮湯加附子得此溫補自然漸愈

經期腹痛

遠氏

每逢經期腹必作痛行後亦痛肢體困倦飲食減

少診脉虛沉細此稟質羸弱氣血虛寒所謂經期虛

痛者於既行之後血去而痛益甚也當服大營煎加
熟附故紙炮薑溫補自愈

祝氏 脉大弦勁係氣滯血積血瘀不行故經行作痛

極拒按俟經通而痛乃減也即用通瘀煎加牛膝桃
仁使氣順瘀行而痛自止

潘氏 遇經期必作痛經通而痛才減診脉旺弦急乃氣

逆血滯凝結不行則留聚而爲實痛宜服薑黃散以

逐瘀止痛



北京中醫藥大學圖書館藏

水薑黃 當歸 蓬朮 紅花

桂心 川芎 元胡索 丹皮

水酒各半煎服

杜女 十二歲月經已通因喜食水果不慎寒涼每經後

臍腹撮痛按脉沉遲細乃先天薄弱肝脾血虛寒氣

客於血室以致血氣凝滯經後腹痛也即用溫經湯

爲宜

黨參

牛膝

甘草

當歸



南京中医药大学图书馆版权所有

川芎

芍藥

牡丹皮

蓬朮

桂心

水煎溫服

崩淋經漏不止

金氏 脉弦數大乃陰虛陽搏爲熱所乘致傷衝任血得

熱而妄行也宜甘涼清熱兼以固澁自效

生地

芍藥

續斷

黃芩

丹皮

山梔

棕灰

側柏葉

黑炒

水二鍾烏梅二枚煎七分食遠溫服



劉氏患崩漏不止虛損羸瘦腹痛肢冷按脉沉遲細

中氣虛寒脾胃傷損故不能統血而妄行衝任經虛
故月水過多淋瀝不斷也當用附子理中湯專補脾
陰使脾胃氣強則陽生陰長而血自歸經矣

范氏月水非時而行淋漓不斷忽血下不止頭目眩暈

腰腹脹痛診脉虛細數乃肝脾俱虛營氣不足血不
能調而妄行者經曰陰虛陽搏謂之崩又云脾統血
肝藏血二經虧損則經血暴下失期而來久而不止

致成崩中是也宜用惜紅煎加杜仲香附使經固
止則諸疾自瘥

宋氏經行不止紫黑成塊按脉數疾係勞動過度損傷

臟腑衝任之氣虛不能約制經血故經多漏下其色

黑成塊者熱甚火極似水也當服固經丸

額氏脉弦數大乃陰虛血熱火盛迫血妄行以致崩淋

不止當進徙薪飲加丹參續斷先以清之其血自止

鶴氏按脉虛數係心脾鬱結勞損氣血致傷衝任之源



故月水過多淋瀝不斷也宜投膠艾湯以養血益
補陽則經候自調矣

朱氏苦節無嗣時多憂慮致患崩淋不止診脉弦數由

於憂思鬱怒先損心脾次及衝任故血因崩去勢必
漸少少而不止病則爲淋卽用歸脾湯加柴胡山梔
丹皮以冀漸痊

月水不斷

朱氏月水不斷淋瀝無時按脉沉遲細此勞損氣血鬱

結傷脾以致氣虛不能攝血當用歸脾湯加炮薑

房灰陳棕灰藕節自效

殺血心痛

汪氏血崩而心痛甚診脉虛大無力由於陰血耗散

脾血虛而為殺血心痛宜宗立齋用烏賊魚骨丸以

收斂之

烏賊魚骨

去帶

蘆茹

一兩
即茜根

為末以雀卵搗丸小豆大每服五七丸鮑魚煎湯下



北京中醫藥大學圖書館藏

以飯壓之 鮑魚卽今之淡乾魚也

勝氏說血崩年餘兼患心氣疼痛諸藥不應余日

黃瘦脉虛細瀯蓋心主血去血過多心無所養以

作痛卽投十全大補湯專用甘溫以養管氣遂服十

劑小效以原方加北五味人參倍之服藥兩月而獲

全愈

熱入血室

駕部周象九述女兒月前感冒適逢經至客邪治退惟

